

公州李氏世譜序

程子之厚風俗蘓氏之悖孝悌此後世氏族譜之嚆矢而堯之親睦九族亦未始非此意也承其祖武貽厥孫謀者捨是譜何以哉吾李之貫公州者皆祖文武公自羅及麗千五百年之間六文謚十八封君相繼而作屹然爲東國著姓漢陽初有經歷明善文成公明誠恭肅公明德持平明保參議明尹縣監明義世稱六明六明之從父兄弟有興原君敷七派後承棋布八域以德學勳業忠孝鳴世者後先相望若龜巖盡悔兩先生之道學方山晚岡扇齋養窩栢軒寒浦公之德行楓溪霞石公之文章進士龜陰內省逸溪竹潭雲谷正郎公之儒行佐郎提學承旨石溪啓功郎三忠閣之忠義草堂古溪訥叟松溪參奉教官公之孝行臨陂公之守端廟節貧郊公之選清白吏西郊奉化德巖公之歷敷清顯者炳然青史史不絕筆而後屬踈遠今日

同室者明日路人而不知耻者比比焉烏在其祖宗均視之仁

也已亥秋余與族兄秦鎬族姪哲洙族孫淵植偕到灘院湖嶺

諸族臻泰熙徽英洛根鎬柄寅漢如期咸集受胙禮畢議修

譜或曰南北分裂合單未易余曰思過半矣何不及時勉勵以

待河清僉曰諾於是乎飛文輪告于國中謂外世居平北寧邊

之參議公派譜二冊適來是誠吾譜上五百禩初舉也一易歲

而印將訖諸宗人責馨鎮以卷端之言非膚淺者所敢任而亦

義不敢辭謹陳區區之言而告諸宗人曰今吾族雖愈踈愈遠

而其始自兄弟而功總而袒免矣當推其同父母兄弟之義仰

體所自出之祖之心則疏者愈親遠者愈密睦自生矣睦既修

則安有忘先之理凡我同譜之人盍亦相勗哉歲庚子重陽節

恭肅公十六代孫馨鎮謹序

(檀紀四二九三年)

姓從生生之親爲族生之情爲愛愛族非強而合之在人天之
本同此譜所由作也惟我公州之譜屢矣派居南北間多漏錄
况南北阻絕大同修譜亦已難矣然誠有所到理無不合族大
父璨氏與秦熙氏叩心于茲殆有年矣居北諸宗舉多越南乃
詢同于南北宗中以參議公派譜入以合編遂成七派之全譜
庶有光于前譜也事垂訖命現基以序事現基何敢當竊惟吾
先自羅麗以來巍勳崇節鉅匠碩德蓋自孝悌始孝悌未有不
敦族者也惟吾後昆苟能敦睦則是不譜而族或不能敦睦則
是譜而不族吾宗之興替惟睦與不睦之如何耳夫奚有於譜
不譜哉然族而愛生於天倫氏而譜成於人事修於人而不盡
其天者有矣未有不修於人而能盡其天者也何不勗哉

庚子一陽月下澣文成公二十代孫現基謹書

(檀紀四二九三年)

舊譜序

家之有譜猶國之有史史不踵成則闕文譜不繼修則無徵無徵則尊祖敬宗之義蔑如傳世溯遠之道荒矣多識前言往行以畜其德先聖之炯戒也矧乎祖先之忠孝勤儉所以裊躬燾後者其可不發念而屢省哉惟其念茲在茲故雖世遠而至於路人道修而達於遐陬無遠不屆克収克合增修一家之史其在垂穎顧本之義一大闕楨也今夫修譜巨役也重事也當其時而無其人則實難修其禮焉惟我公山之李肇自羅麗无世不顯而有若松隱沙峯公之忠蓋節義聞於鳴灘剛襄提學公之功烈忠義配于廟祠楓溪奉化公之文章氣槩昭於史籍貧郊龜巖公之清白理學享于院祠其外醇儒碩德所以弼中彪外者指不勝撻爲其後承者曷不思所以繼序而不忘哉以故楓溪公嗣孫宗兄相鎬氏望七頽齡身老心壯信乎禮源有徵乃

與南北諸宗甫議以克合共踐緒於中葉之際並趾美於半百

之項

距今四十五年
丙子五次修譜

重訂六刊之牒撮合

累千員之單繡梓

登啣綱舉目張本立末見遂以弁文詔諸昌鎬昌也辭不獲命

重違勤教竊念世德則往牒詳矣欲陳凡例則前述備矣第以

陋見有一說焉吾宗之衰替莫近時若而溯其源則自乎隆盛

之久遠也理之屈伸常矣推求其隆盛之由則未必不自於列

祖之忠孝勤儉中出來者也吾譜重修於前丙子四十六年之

後路人復爲一室千里還如咫尺繼自今日我諸宗尤念念於

講明祖武克戒無忝益邁肯構肯堂之訓咸底聿修厥德則天

道好還隆盛之運不遠伊邇可以光家史昭國乘者耀無窮

矣奚直以附尾是牒爲榮幸而已

丙子後四十六年辛酉孟夏下泮後孫昌鎬謹序

族之有譜所以承先裕後之道也惟我李氏之譜己巳始之甲

子續之戊午己酉丙子又續之譜已凡五刊而悉遵先王之法
使之孝悌敦睦而譜若不修子孫雖曰蕃衍澤斬親盡則不免
於途人者亦幾稀矣先輩惟是之懼繼繼陳述然後昭穆整整
宗支班班燦如指掌猗歟譜牒之成其如是夫惟我公山之李
自高麗門闈簪組之盛昭載於國史野乘逮夫我朝世有聞
人而中朝有諱之齟號貪郊配享于鶴浦書院而以清白與
有辭於百世矣降自玄祖寒替不振者殆數世于茲矣後裔末
梢之生散在遐土全昧先垂後之道曷勝歎哉今距丙子遠
然為四十六年而其後勝冠抱子不入剖剝者多矣何幸宗長
相鎬氏發人未發之事舉人未舉之事與同志秉龜錫澁珠澤
考柄台時諸氏竣議于宗中示以續成之意僉曰際此艱虞之
容基洙世奚暇奔走於是役而能終始乎噫其不思之甚也伊昔鴻朗
和平之世猶吾譜之述備於前而垂於後以為永世之嘉謨况

今吾宗之寢衰世界之淆亂果如何而盍思所以詳搜博採家藏戶傳而爲我垂世之寶乎僉曰諾於是通諭于畿甸沿海各邑諸宗而譜單鱗至故不佞以蔑學管見猥叅是役裒輯諸家遺乘叅校遐裔逸籍自己未迄于辛酉消三星霜而克底于成幸莫大焉至若日後譜事之成否惟在後來者之勤慢吾宗諸君子相與勉之哉

丙子後四十六年辛酉孟夏下斡後孫洪燦謹序

謹按舊譜則李氏之以公州爲貫者自府院君御史公至麗李爲盛而在國初恭肅公剛襄公並世俱顯氏族之炳耀與駕於喬木世家而建夫中葉忠義則佐郎公諱麒壽提學公諱鵬壽兄弟文學則楓溪公諱鍵清白則貧郊公諱之韞道德則龜巖先生諱元培間世迭作此足以艷稱於當世而通來繼述不作祖先之懿典懿蹟由是而寢微子孫之克紹克遵由是而漸

替苟於此際若無譜乘之可考則系派無徵敦睦不修使我一
根一源之裔竟未免路人同視矣烏不懼然范公義庄之置蘓
氏譜亭之設良以此也宗人澤鉉台炯漢秀諸氏惟是爲懼自
數年以來費其心筭勞其筋骨都鄙馳驅概義先定乃與族丈
相鎬秉龜兩氏及南北諸宗之有志十數人詮議協同更囑洪
燦氏千里往還譜單畢収而於庚申秋校正之役亦已告竣矣
凡吾譜之刊今焉六出而前後序跋次第極備則不必疊架贅
陳而其刪其校載錄載編寧簡無繁只圖務作遠猷茲豈非輝
山之璧媚川之珠乎乃敢披其實序其志壽其傳

丙子後四十六年辛酉孟夏下澣後孫錫澄謹序

丙子譜序

有姓則有族焉有族則亦有譜焉譜也者上溯先胄下逮後仍
貫一而總衆如木之有根有枝葉水之有源有派流也鼻祖雖

同支裔各分非譜何以裒衆年代綿遠事蹟邃古非譜曷以傳
後有族則必有譜焉者良以此也我外氏公州李之譜自己巳
始其後又有奉化譜甲子戊午己酉譜蓋收拾於兵燹之失亡
採掇於京鄉之流散詳其略正其訛抑有觀於當時主事者之
積苦殫誠而猶未克備李君喆懋與族人憶堂從璿謀合族始
事凡閱數歲而工訖夫然後舉族之世次名諱生忌年月仕爵
宗卑嫁娶氏姓窆墓坐向炳然俱載舊譜之見漏者備焉子姓
之未逮者錄焉譜於是乎十分綜該而盡善盡美也苟非諸君
子尊祖敦宗之誠繼述先業之志豈能就緒乎亦可敬也已噫
公州之李勝國族也世以冠冕赫人耳目若御史公之盡節於
麗末恭肅公興原君之歷敷於國初可謂盛矣後承漸替中
稍不振然忠孝行義文章經術之士間世著名世論古家儒素未
始不亟稱李氏古人惇本貽昆之亦謨已厚矣豈可以一時顯晦

爲李氏恨耶不佞之先王母籍公州李也譜旣成屬序於不佞而不佞之曾王考判書公資先王考判書公亦愚撰序於舊譜成人之美不佞不敢復贅其辭然不嘉其李君敦宗之懿規感吾先世弁卷遺蹟茲忘昏耄踵而書之

崇禎紀元後四丙子仲秋外裔孫正憲大夫前行吏曹判書兼弘文館提學同知成均館事 經筵日講官嘉林趙

其應謹撰

公山之譜今馬五刊矣悉取後承之可書者以增修之而其發凡起例則一仍其舊以推五宗之義以敦一本之親者寔在乎是譜之修可易言哉凡爲吾祖先之子孫者各思祇勉焉嗚呼御史公伯氏經歷公後裔乃以最長之派散在關北則地踔遠未及相聞見漏者幾許年所便若行路竊爲斯譜之闕典欠事也不肖余嘗愴歎于茲矣以後死之責是役也義不堪辭自甲

成春乃命從姪璿及族櫛寄聲于關北諸宗於是經歷公派名牒一一枚錄始剖剗數數載而合譜已完實吾宗未遑之事復舉於今日雖在百世之下族之疏宗之遠昭載詳序某之親某之派如在一堂之內亦豈非深幸萬一哉余雅不嫻修辭矧今年迫七耋聞見多失耄荒之言何足以發揮而重違諸宗意略叙其顛末仍爲之書

崇禎紀元後四丙子仲秋扇齋玄孫喆懋謹序

程夫子有言曰譜系明則可修厚族宗法立則人知尊祖重本此乃古今人家譜牒之所以作也我公州之李分處南北無慮千數曾未有一統譜者也往在英廟甲子一初統譜而惟我經歷公一派頗多訛誤舛錯故當時敬齋公諱瑞世欠其不得爲完譜改正編成北派譜然後五十餘年敬齋公孫龜巖先生宗丈址博氏踵而纂修庚申譜也自是以後因爲南北後南宗

以譜事來者一切付之循襲而不應矣今者嶺湖畿郊諸宗自
往年始設經紀通報纏績又京中宗人德懋襄足千里而來留
滯兩年其款密懇勤之志亦可嘉也噫出百歲而等百歲庸庸
後生輩志慮見識萬不及先輩巨人長者則安敢容易於此等
鄭重事乎是以闔宗屢度會議或多岐貳徑庭巡而顧望從孫
憲述贊決而緯劃泰載氏承志左右幹事懇密做成闔弟鍾烈
各家草單辛勤校正諸務曠年持久而後僅成刊行於是乎祖
宗以來世德之炳赫支派之蕃衍班班可考則庶幾乎蘓媚陽
生孝悌之心陳後山明本支之意足以爲尊祖厚族之一道誠
可謂千載一舉之幸矣及單稿繕訖僉曰其著弁卷之文則自
有其人若我宗派之入譜固不無記實子可爲哉予雖頽景蒙
識亦不敢辭而略叙焉

歲丙子仲秋下幹經歷公十六世孫貞冕謹序

己酉譜序

公山李氏新譜成禹錫以外裔與知其事舅氏仍屬以弁卷之
文禹錫作而請曰先世積累之懿舊譜序盡矣新譜修輯之由
舅氏亦將有備述矣猥以何辭贅焉舅氏曰噫凡士大夫家之
勤於合譜蓋傳世綿遠之圖也吾李氏在勝國爲閭閻故家入
我朝御史公恭肅公兄弟以忠節名世由後雲仍浸浸不振
僅繼圭組列於簪纓家而宗族之散處嶺湖者未爲幾家而到
今微替極矣譜牒若又不收則先世敦親之風殆將掃地誰復
知爲名家遺裔耶吾是之懼聚族而謀幸以有成以此意鋪張
其說則亦可以表余苦心也禹錫復作而對曰舅氏微替之歎
困也然實有深幸者存焉若其苦心何待鋪張而見哉禹錫嘗
覽萬姓譜矣邈至中古雖巨家名族往往有代軼而不傳世微
而無徵者人家之垂裔無窮其非至難乎今我舅氏鼻祖以下

數十世名蹟炳炳可考則是一幸也軒裳大家累世照爛終緣
後孫之顛覆昨日綺紈今爲樵牧者多矣顧以清寒家規無由
致此患焉則是二幸也三韓舊族支裔之蕃衍非不美盛而浸
遠浸踈行路相視終焉各立門戶派有異譜家有異牒其於敦
宗厚俗之義遠矣竊矚一門之內皆知斤斤於宗法族誼雖百
世之下思若同爨故是役也不謀而符不勞而成則是三幸也苟
使來後謹守勿替則斯可以振頽起衰大其家聲何遽不爲冠
世萃闕乎由前而有三幸由後而有未可量之福是可賀非可
言也舅氏犖然良久曰斯言也亦足爲張吾宗之兆也夫遂綴
其言而敬書

崇禎四己酉孟秋外裔孫通訓大夫前行司諫院正言兼
文臣兼宣傳官海平尹禹錫謹序

譜者普也今夫戶庭之事里社之役非其人之普徧會同則鮮

有成者况宗族系派之譜非普徧會同而可乎此所以人家世譜之難底於成也吾公州之李得姓以來宗支傳派雖不甚蕃衍而宗法之謹嚴族誼之敦厚與自先世規模有傳苟有宗中大事無不立辨斯足著稱於當世衣冠也故百年間世譜凡四出而愈密愈詳顧今繼述之責詎不在乎後孫耶然而戊午譜出之後已踰五十年餘而尚未修改其可慨也已不肖生晚懼先懿之漸邈歎遺風之寢微乃敢郵書諸宗百議以修譜則諸宗之言哀然歸一先世美規於是乎尤有驗也歲己酉夏譜畢叔讎訛苴漏遵舊譜式例鳩工付梓于公州時余以瘖病未得躬造執役方且悚恨而宗中諸公不謂無似終以序文屬之是則有不敢辭焉謹按舊譜與廢已載於從高祖正言公序而又有三從大夫寓永民小識及趙尚書德潤氏序語故只述傳世美規之不可越者以爲宗中相勗之道云爾

歲己酉秋下浣後孫殷熙謹序

戊午譜序

族之有譜尚矣程夫子之厚風俗蘓明允之敦孝悌俱於譜是
徵譜之關於人倫也有如是也而譜家之難有三曰誠曰實曰
得人而人尤難焉三者闕一譜雖苟完亦無補於厚風俗敦孝
悌也公州之李有己巳譜奉化譜其後又有譜四卷成於英
宗甲子而三譜俱不免其略且訛矣李君寓永南爲是之懼謀
再印行與其堂從元永族人鎮邦甫費年心力溯先世籍博考
諸家之牒略者詳之訛者正之發凡起例綜錯不紊而李氏之
譜始告完矣向吾所謂三難者得李君而兼舉之豈不偉哉譜將
成以不佞之王母爲公州之氏也李君屬序於不佞不佞其生
也晚間見之不逮者多矣何敢序是譜也第竊有所感焉往李
君之先王父靜養公撰次其先世遺事而李君以其遺命聞序

於先大夫先大夫爲之序曰外氏之李在勝國世有官位爲巨族名聞遠我朝稍不振而殿中之志節楓溪之文章繫我外王父木部公兄弟經術行誼相繼而作蔚然爲一代所艷慕今其言行德懿備載於一編之中斑斑可考他人閱是卷尚爲之咨嗟感奮况在子孫之心其欲趾美而繼善者尤當如何文不過若干行其鋪張先德勸戒後承者亦至矣雖使不佞序是譜何以加諸然則李君之尸是役也卽靜養公繼述之大端也其爲難豈啻如三難而止乎哉其亦可敬也已不佞固無能爲役而所以歸重不佞者卽向日徵書於先人之志焉則風樹餘感亦不敢以不文辭茲述先大夫之言泣血而道之是譜中府院君以上三十三世之載於別錄者亦傳疑慎重之道而李君自有小識不復具贅云爾

崇禎三戊午流火月外裔孫通訓大夫弘文館修撰嘉林

趙德潤謹序

甲子譜序

我李氏之爲東方顯族厥有舊矣世傳府院君之爲始祖侍郎提學公之爲中祖雖未可遽謂信然而在麗李有若觀察公在國初有若恭肅公旣皆崇顯炳耀則其自爲古家世族也明矣祇緣後承衰替文獻無徵觀察公以上世代莫之考据有以知其厥初生民之所自來則此豈非吾宗諸人之所慨恨者乎上世有刊譜云而失之兵燹遂無傳焉歲己巳族祖樞氏始成草譜而猶未能無踈略處我祖考奉化公暨明齋尹公俱以楓溪公內外曾孫謀所以完其事益加搜訪不佳修整將圖繡梓而遽貽齋志之恨矣不肖詎嘗一日忘于懷而喪病震剝因循遷就惟不克盡搆是懼宗人榮碩氏慨然于斯勞筋苦骨奔走京鄉哀聚諸宗單子草成譜牒屬余以修潤之役不佞敢不揆僭

妄而尸其任焉於是予按新譜而證古牒新譜之訛者改之古牒之落者書之新譜之疑者註之古牒之誤者辨之既又廣取他家譜而並參互考正凡兩閱月而斷手焉仍而付劄劄氏吾宗刊譜其將復行於世矣禮所云尊祖敬宗收族之道備矣而我祖積年辛勤未就之業至今日而成矣不肖於此別有幸焉而榮碩終始殫勞之誠重可貴也仍竊念觀察公在不肖爲十
一世祖而凡我宗人之載是譜者罔非觀察公子姓則服盡纜不過五六世而視之如路人莫知爲親族此無他焉譜牒之不明也今一開卷面而根派系次瞭然於寓目之際而可知其初同出於父母兄弟之身而分焉老蘓氏所稱孝悌之心油然而生焉者非虛語也是豈但吾宗之幸而止也恐亦未必不爲裨補風化之一端諸公勉乎哉

崇禎紀元後百十七年甲子之抄秋後孫通訓大夫前行

司諫院正言彥世謹序

己巳譜序

我公州李氏自高麗迄國朝冠冕不絕舊有譜傳於世屢經兵燹無有存者至今莫能續成此誠吾宗之一大欠事也先君子有意於此手自抄錄藏于家而聞見草略猶爲未成之書也不肖敢追先志旁求諸家所錄遡源尋派並收內外枝裔積以年歲始成此譜諸家所錄互有異同不無可疑者別爲論證著於編首而因爲凡例數條附於其下焉噫家之有譜猶國之有史苟無譜焉何以知其所自出而致尊祖敬宗之道勗孝友敦睦之情乎所恨所居窮僻耳目不逮恐有記載之未能盡者惟我宗人有以相恕有隨得隨書終爲完譜區區之望也

崇禎紀元後六十二年歲舍己巳暮春松庵後孫樞謹序

庚申派譜序

譜牒之作所以明氏族別支派固人家所宜世修之而不可闕
焉者也公州李氏世譜之成在 英廟甲子而入北後派則我
伯祖上舍公實主其事後五十餘年未有以踵而成之氏族之
明支派之別傳歸黯黜一門有識之共此歎久矣宗丈址博氏
倡議以爲此是吾宗終不可已之事若其任繼述之責幹辦之
功者則有上舍公之孫永培在遂與諸宗合辭而強委重焉永
培終不獲辭經始己未二月而事役繁細罄竭心力自收單至
入梓獨自擔脊至庚申七月工始告訖蓋其殫誠賢勞竟至于
成爲承先貽後之道者其可尚也已喻余於此重有所感焉一
門後生輩之入斯刊者無慮千數而未見有如舊譜中巨人長
者不惟世級之轉降而吾宗之漸就殘替亦可知也後復有繼
此之譜而若其編中之人又下於今則非直爲殘替而已也然
亦奚以譜爲哉抑天相斯文門運回泰或將有可畏之後生無

隕家聲而增光前烈不遂衰微不振之歸耶竊有望於吾闔宗
之後昆焉爾

崇禎紀元後百七十三年庚申上浣經歷公十五世孫元
培謹序

唯我先王考敬齋公會於去乙丑年間編出經歷公入北後世
譜而今已五十餘年之久矣一門後生輩未有所錄牒焉尋常
慨歎矣戊午秋得京中宗人書報以南道諸派已設譜役幾於
斷手云而北洛僻遠未得聞知雖有後時之歎而若又因循不
舉則經歷公一派未免漏譜甚非我先王考辛勤成譜之意遂
與鄉居諸宗合謀經紀而以永培忝爲敬齋公孫強委以編修
之責顧此無似不敢承當而終無奈於辭不見聽於是—依舊
譜凡例編次而舊譜中—二訛誤者亦懸註改正以付剞劂而
經歷公次子諱崎諱隣兩派子孫不知時居何道未能編入本

派中左尹公派則散居于咸興安邊等處而遣人收單之際亦似有遺漏者甚可慨歎也噫我李之北纔十餘世而雲仍之始入斯譜者若以千計則不可謂不盛矣然人之盛衰不念在於若之多少而已也在于盡人之道而人道之大莫先乎孝悌孝悌之道莫切乎尊敬敦本厚族而人之欲興起其尊敬敦厚之心者則不可以捨是譜而求他也然則是譜之於吾門盛衰或不爲無助焉惟望吾諸宗以此加勉務盡人道無孤今日之至願也

崇禎紀元後百七十三年庚申季夏敬齋後孫永培謹序

公州李氏

世譜卷之一

一上編上

始祖

李天一

漢宣帝甘露元年

戊辰即新羅赫居

世王五年也公以

文名招選入送中

國時年十八第弘

一年十六并中司

馬旋擢第一

上嘉之拜尚公生即

拜大司馬大將軍

未久征伐匈奴得

意還封遼東伯病

不出乞為還國

二世

子德裕

登第第二以翰林

學士携家入山不

出仕路官至判三

相終于家

○謚真靖公

子德仁

本朝及第

上許之因還國即拜公山君謚文武公第弘一亦登第拜中書令還國封全義君謚文穆公

七世

子芳

年二十司馬二十

八登第壯元行相

八世

子必文

學士有文名為兩

王師傳○謚安國

九世

子輔

年二十九司馬卒

十世

子光鎰

年二十一壯士有

名拜左翼將軍征

十一世

子澤

子奎

年十九司馬隋城

本都護府使入上

國為左丞相封晉

陽侯還國即拜稜

昌君○謚文肅公

子尹元

元

五世

六世

經歷公派

上編